

四庫全書

集部

欽定四庫全書

御定全唐詩卷八百九十三

毛文錫

字平珪登進士第後事蜀為翰林學士遷內樞密使歷文思殿大學士司徒詞三十一首

西溪子

昨夜西溪遊賞芳樹奇花千樣鎖春光金尊滿聽絃管
嬌妓舞衫香暖不覺到斜暉馬馱歸

何滿子

何一作河

紅粉樓前月照碧紗窗外鶯啼夢斷遼陽音信那堪獨

守空閨恨對百花時節王孫綠草萋萋

訴衷情

一名桃花水

桃花流水漾縱橫春晝彩霞明
劉郎去阮郎行惆悵恨難平
愁坐對雲屏算歸程何時攜手洞邊迎
訴衷情
鴛鴦交頸繡衣輕碧沼藕花馨
偎藻荇映蘭汀和雨浴浮萍
思婦對心驚想邊庭何時解佩掩雲屏
訴衷情
中興樂

豆蔻花簪煙艷深丁香軟結同心
翠鬟女相與共淘金

紅蕉葉裏猩猩語
鴛鴦浦鏡中驚舞
絲雨隔荔枝陰

醉花間 二首

休相問怕相問相問還添恨
春水滿塘生鷓鴣還相趁
昨夜雨霏霏臨明寒一陣
偏憶成樓人久絕邊庭信
深相憶莫相憶相憶情難極
銀漢是紅牆一帶遙相隔
金盤珠露滴兩岸榆花白
風搖玉佩清今夕為何夕

酒泉子

綠樹春深燕語鶯啼聲斷
續惠風飄蕩入芳叢
惹殘紅

柳絲無力嫋煙空
金盞不辭須滿酌
海棠花下思朦朧
醉春風

紗窗恨

新春燕子還來至
一雙飛壘巢泥溼
時時墜
浣人衣
後園裏看百花
發香風拂繡戶
金扉月照紗窗
恨依依
雙雙蝶翅塗鉛粉
啞花心綺窗繡戶
飛來穩
畫堂陰
二三月愛隨風
絮伴落花來
拂衣襟更剪輕羅
片傳黃
金

戀情深

滴滴銅壺寒漏咽
醉紅樓月宴餘香
殿會鴛衾蕩春心
真珠簾下曉光侵
鶯語隔瓊林寶帳
欲開慵起戀情深

玉殿春濃花爛漫
簇神仙伴羅帶窄
地縷黃金奏清音
酒闌歌罷兩沈沈
一笑動君心永願
作鴛鴦伴戀情深

浣溪沙

七夕年年信不違
銀河清淺白雲微
蟾光鵲影伯勞飛
每恨蟪蛄憐婺女
幾回嬌妒下鴛機
今宵嘉會兩相依

攤破浣溪沙

春水輕波浸綠苔
枇杷洲上紫檀開
晴日眠沙鷗鵲穩
暝相偎 羅襪生塵遊
女過有人逢著弄珠
回蘭麝飄香初解佩
忘歸來

贊浦子

錦帳添香睡金爐換夕薰
嬾結芙蓉帶慵拖翡翠帟
正是柳夭桃媚那堪暮雨
朝雲宋玉高唐意裁瓊欲
贈君

巫山一段雲

雨霽巫山上雲輕映碧天
遠風吹散又相連十二晚
峰前暗濕啼猿樹高籠過
客船朝朝暮暮楚江邊幾
度降神仙

貌掩巫山色才過濯錦波
阿誰提筆上銀河月裏寫
嫦

娥 薄薄施鉛粉盈盈挂綺羅
菖蒲花役夢魂多年代
屬元和

柳含煙

隋堤柳汴河旁夾岸綠陰千里
龍舟鳳舸木蘭香錦帆
張 因夢江南春景好一路流蘇羽葆
笙歌未盡起橫
流鎖春愁

河橋柳占芳春映水含煙拂路幾回攀
折贈行人暗傷
神 樂府吹爲橫笛曲能使離腸斷續
不如移植在金

門近天恩

章臺柳近垂旒低拂往來冠蓋朦朧春色滿皇州瑞煙
浮直與路邊江畔別免被離人攀折最憐京兆畫蛾
眉葉纖時

御溝柳占春多半出宮牆婀娜有時倒景醺輕羅麴塵
波昨日金鑾巡上苑風亞舞腰纖軟栽培得地近皇
宮瑞煙濃

更漏子

春夜闌春恨切花外子規啼月人不見夢難憑紅紗一點燈
偏怨別是芳節庭下丁香千結宵霧散曉霞暉
梁間雙燕飛

喜遷鶯

芳春景暖晴煙喬木見鶯遷傳枝偎葉語關關飛過綺
叢間錦翼鮮金毳輒百轉千嬌相喚碧紗窗曉怕聞
聲驚破鴛鴦暖

應天長

平江波暖鴛鴦語兩兩釣船歸極浦蘆洲一夜風和雨
飛起淺沙翹雪鷺漁燈明遠渚蘭櫂今宵何處羅袂
從風輕舉愁殺采蓮女

月宮春

水晶宮裏桂花開神仙探幾回紅芳金藥繡重臺低傾
瑪瑙杯玉兔銀蟾爭守護姮娥姹女戲相偎遙聽鈞
天九奏玉皇親看來

虞美人

鴛鴦對浴銀塘暖水面蒲梢短垂楊低拂麴塵波蛛絲
結網露珠多滴圓荷遙思桃葉吳江碧便是天河隔
錦鱗紅鬣影沈沈相思空有夢相尋意難任

寶檀金縷鴛鴦枕綬帶盤宮錦夕陽低映小窗明南園
綠樹語鶯鶯夢難成玉爐香煖頻添炷滿地飄輕絮
珠簾不卷度沈煙庭前閒立畫鞦韆艷陽天

臨江仙

暮蟬聲盡落斜陽銀蟾影挂瀟湘黃陵廟側水茫茫楚

山紅樹煙雨隔高唐
岸泊漁燈風颭碎白蘋遠散濃
香靈娥鼓瑟韻清商朱弦淒切雲散碧天長

接賢賓

香鞦褭五色驄值春景初融流珠噴沫躑躅汗血流
紅少年公子能乘馭金鑣玉轡瓏璁爲惜珊瑚鞭不
下驕生百步千蹤信穿花從拂柳向九陌追風

贊成功

海棠未坼萬點深紅香包絨結一重重似含羞態邀勒

春風蜂來蝶去任遠芳叢
昨夜微雨飄灑庭中忽聞
聲滴井邊桐美人驚起坐聽晨鐘快教折取戴玉瓏璁

甘州遍

春光好公子愛閑遊足風流金鞍白馬雕弓寶劍紅纓
錦襜出長楸
花蔽膝玉銜頭尋芳逐勝歡宴絲竹不
曾休美人唱揭調是甘州醉紅樓堯年舜日樂聖永無
憂

秋風緊平磧雁行低陣雲齊蕭蕭颯颯邊聲四起愁聞

戍角與征鼙 青塚北黑山西沙飛聚散無定往往路
人迷鐵衣冷戰馬血沾蹄破蕃奚鳳皇詔下步步躡丹
梯

和凝

二十
四首

漁父

白芷汀寒立鷺鷥頻風輕翦浪花時煙幕幕日遲遲香
引芙蓉惹釣絲

天仙子

柳色披衫金縷鳳纖手輕拈紅豆弄翠蛾雙飲正含情
桃花洞瑤臺夢一片春愁誰與共

洞口春紅飛蔌蔌仙子含愁眉黛綠阮郎何事不歸來
嬾燒金慵篆玉流水桃花空斷續

江城子

初夜含嬌入洞房理殘妝柳眉長翡翠屏中親爇玉爐
香整頓金鈿呼小玉排紅燭待潘郎

竹裏風生月上門理秦箏對雲屏輕撥朱弦恐亂馬嘶

聲含恨含嬌獨自語今夜約太遲生

斗轉星移玉漏頻已三更對棲鶯歷歷花間似有馬蹄
聲含笑整衣開繡戶斜歛手下階迎

迎得郎來入繡闌語相思連理枝鬢亂釵垂梳墮印山
眉姪姁含情嬌不語纖玉手撫郎衣

帳裏鴛鴦交頸情恨雞聲天已明愁見街前還是說歸
程臨上馬時期後會待梅綻月初生

何滿子

正是破瓜年幾含情慣得人饒桃李精神鸚鵡舌可堪
虛度良宵却愛藍羅帶子羨他長束纖腰

寫得魚牋無限其如花鎖春暉目斷巫山雲雨空教殘
夢依依却愛熏香小鴨羨他長在屏幃

望梅花

春草全無消息臘雪猶餘蹤跡越嶺寒枝香自折冷艷
奇芳堪惜何事壽陽無處覓吹入誰家橫笛

薄命女

一名長命女

天欲曉宮漏穿花聲繚繞窗裏星光少
冷露寒侵帳
額殘月光沈樹杪夢斷錦幃空悄悄
彊起愁眉小

春光好

一名愁
倚欄令

紗窗暖畫屏閒
鞦雲鬟睡起四肢無力半春間
玉指

翦裁羅勝金盤點綴酥山
窺宋深心無限事小眉彎

蘋葉軟杏花明
畫船輕雙浴鴛鴦出綠汀
櫂歌聲春

水無風無浪
春天半雨半晴紅粉相隨
南浦晚幾含情

采桑子

蝓蟻領上訶梨子繡帶雙垂椒戶閑時競學樗蒲賭荔
支叢頭鞋子紅編細帟窄金絲無事頻眉春思翻教
阿母疑

菩薩蠻

越梅半拆輕寒裏冰清澹薄籠藍水暖覺杏梢紅遊絲
狂惹風閑階莎徑碧遠夢猶堪惜離恨又迎春相思
難重陳

喜遷鶯

曉月墜宿雲披銀燭錦屏帷建章鐘動玉繩低宮漏出
花遲春態淺來雙燕紅日漸長一線嚴妝欲罷轉黃
鸝飛上萬年枝

山花子

鶯錦蟬穀馥麝臍輕裾花草曉煙迷
鴻鵠戰金紅掌墜
翠雲低
星靨笑偎霞臉畔
蹙金開襜褕銀泥春思半
和芳草嫩碧萋萋

銀字笙寒調正長水文簾冷畫屏涼
玉腕重金扼臂淡

梳妝 幾度試香纖手暖
一回嘗酒絳脣光
佯弄紅絲繩拂子打檀郎

臨江仙

海棠香老春江晚
小樓霧縠空濛
翠鬟初出繡簾中
麝煙鸞佩惹蘋風
碾玉釵搖鵲鵲戰雪肌
雲鬢將融含情遙指碧波東
越王臺殿蓼花紅

披袍窄地紅宮錦
鶯語時轉輕音
碧羅冠子穩犀簪
鳳凰雙颺步搖金
肌骨細勻紅玉軟
臉波微送春心嬌

羞不肯入鴛衾蘭膏光裏兩情深

小重山

春入神京萬木芳
禁林鶯語滑
蝶飛狂
曉花擎露妒啼
妝
紅日永風和
百花香
煙鎖柳絲長
御溝澄碧水轉
池塘
時時微雨洗風光
天衢遠到處引笙簧

正是神京爛漫時
羣仙初折得
郤詵枝
烏犀白紵最相
宜
精神出御陌
袖鞭垂
柳色展愁眉
管弦分響亮
探
花期
光陰占斷曲江池
新榜上名姓徹丹墀

麥秀兩岐

涼簾鋪斑竹，鴛枕竝紅玉。
臉蓮紅，眉柳綠，胸雪宜新浴。
淡黃衫子裁春縠，異香芬馥。
羞道交回燭，未慣雙雙宿。
樹連枝，魚比目，掌上腰如束。
嬌嬈不爭人，拳跼黛眉微蹙。

牛希濟十二首

生查子

春山煙欲收，天澹星稀小。
殘月臉邊明，別淚臨清曉。

語已

一本無此字

多情未了回首猶重道記得綠羅帶處處

憐芳草

新月曲如眉未有團圓意紅豆不堪看滿眼相思淚
終日劈桃穰人在心兒裏兩朵隔牆花早晚成連理

中興樂

即濕羅衣

池塘暖碧浸晴暉濛濛柳絮輕飛紅藥凋來醉夢還稀
春雲空有雁歸珠簾垂東風寂寞恨郎拋擲淚濕羅衣

酒泉子

枕轉簾涼清曉遠鐘殘夢月光斜簾影動舊爐香夢
說盡相思事纖手勻雙淚去年書今日意斷人腸

謁金門

秋已暮重疊關山岐路嘶馬搖鞭何處去曉禽霜滿樹
夢斷禁城鐘鼓淚滴枕檀無數一點凝紅和薄霧翠
蛾愁不語

臨江仙

峭碧參差十二峰
冷煙寒樹重重
瑤姬宮殿是仙蹤
金爐珠帳香靄
畫偏濃
一自楚王驚夢
斷人間無路相逢
至今雲雨帶愁容
月斜江上征櫂動
晨鐘

謝家仙觀寄雲岑
岳蘿拂地成陰
洞房不閉白雲深
當時丹竈一粒化黃金
石壁霞衣猶半挂
松風長似鳴琴
時聞唳鶴起前林
十洲高會何處許
相尋

渭闕宮城秦樹凋
玉樓獨上無憀
含情不語自吹簫
調清和恨天路逐風飄
何事乘龍人忽降
似知深意相

招三清攜手路非遙世間屏障彩筆畫嬌饒

江繞黃陵春廟閑嬌鶯獨語開關滿庭重疊綠苔斑陰
雲無事四散自歸山 簫鼓聲稀香燼冷月娥斂盡彎
環風流皆道勝人間須知狂客判死爲紅顏

素洛春光湫灩平千重媚臉初生凌波羅襪勢輕輕煙
籠日照珠翠半分明 風引寶衣疑欲舞鸞回鳳翥堪
驚也知心許恐無成陳王辭賦千載有聲名

柳帶搖風漢水濱平蕪兩岸爭勻鴛鴦對浴浪痕新弄

珠遊女微笑自含春
輕步暗移蟬鬢動羅帟風惹輕
塵水精宮殿豈無因空勞纖手解佩贈情人

洞庭波浪颭晴天君山一點凝煙此中真境屬神仙玉
樓珠殿相映月輪邊萬里平湖秋色冷星辰垂影參
然橘林霜重更紅鮮羅浮山下有路暗相連

御定全唐詩卷八百九十三

欽定四庫全書

御定全唐詩卷八百九十四

薛昭蘊

蜀侍郎詞
十九首

相見歡

羅襦繡袂香紅畫堂中細草平沙蕃馬小屏風
卷羅幕凭妝閣思無窮暮雨輕煙魂斷隔簾櫳

醉公子

一名四
換頭

慢綰青絲髮光研吳綾鞦韆牀上小熏籠韶州新退紅

叵耐無端處，捻得從頭汙。惱得眼慵開，問人閑事來。

女冠子

求仙去也。翠鈿金篦盡捨，入品巒霧卷黃羅。帔雲雕白玉冠。
野煙溪洞冷，林月石橋寒。靜夜松風下，禮天壇。
雲羅霧縠新授明威法，錄降真函。髻綰青絲髮，冠抽碧玉簪。
往來雲過五，去住島經三。正遇劉郎使，啓瑤緘。

浣溪沙

紅蓼渡頭秋正雨，印沙鷗跡自成行。整鬟飄袖野風香。

不語含顰深浦裏幾回愁煞櫂船郎燕歸帆盡水茫茫

鈿匣菱花錦帶垂靜臨蘭檻卸頭時約鬟低珥算歸期
花茂草青湘渚闊夢餘空有漏依依二年終日損芳菲

粉上依稀有淚痕郡庭花落欲黃昏遠情深恨與誰論
記得去年寒食日延秋門外卓金輪日斜人散暗銷魂

握手河橋柳似金蜂須輕惹百花心蕙風蘭思寄清琴
意滿便同春水滿情深還似酒杯深楚煙湘月兩沈沈

簾外三間出寺牆滿街垂柳綠陰長嫩紅輕翠間濃妝
瞥地見時猶可可却來閑處暗思量如今情事隔仙鄉

江館清秋纜客船故人相送夜開筵麝煙蘭燄簇花鈿
正是斷魂迷楚雨不堪離恨咽湘弦月高霜白水連

天

傾國傾城恨有餘幾多紅淚泣姑蘇倚風凝睇雪肌膚
吳主山河空落日越王宮殿半平蕪藕花菱蔓滿平

湖

越女淘金春水上步搖雲鬢佩鳴璫渚風江草又清香
不為遠山凝翠黛只應含恨向斜陽碧桃花謝憶劉
郎

謁金門

春滿院疊損羅衣金線睡覺水精簾未卷簾前雙語燕
斜掩金鋪一扇滿地落花千片早是相思腸欲斷忍
教頻夢見

喜遷鶯

殘蟾落曉鐘鳴羽化覺身輕乍無春睡有餘醒杏苑雪
初晴紫陌長襟袖冷不是人間風景回看塵土似前
生休羨谷中鷲

金門曉玉京春駿馬驟輕塵樺煙深處白衫新認得化

龍身九陌喧千戶啓滿袖桂香風細杏園歡宴曲江
濱自此占芳辰

清明節雨晴天得意正當年馬驕泥軟錦連乾香袖半
籠鞭花色融入競賞盡是繡鞍朱鞅日斜無計更留
連歸路草和煙

小重山

春到長門春草青玉階華露滴月朧明東風吹斷紫簫
聲宮漏促簾外曉嘯鴛愁極夢難成紅妝流宿淚不

勝情手按裙帶遶花行思君切羅幌暗塵生

秋到長門秋草黃畫梁雙燕去出宮牆玉簫無復理霓
裳金蟬墜鸞鏡掩休妝憶昔在昭陽舞衣紅綬帶繡
鴛鴦至今猶惹御爐香魂夢斷愁聽漏更長

離別難

寶馬曉鞦韆羅幃乍別情難那堪春景媚送君千萬
里半妝珠翠落露華寒紅蠟燭青絲曲偏能鉤引淚闌
干良夜促香塵綠魂欲迷檀眉半斂愁低未別心先

咽欲語情難說出芳草路東西
揺袖立春風急櫻花楊柳雨淒淒

顧覓

五十
五首

荷葉杯

春盡小庭花落寂寞凭檻歛雙眉
忍教成病憶佳期知摩知知摩知

歌發誰家筵上寥亮別恨正悠悠
蘭釭背帳月當樓愁摩愁愁摩愁

弱柳好花盡拆晴陌陌上少年郎滿身蘭麝撲人香狂
摩狂狂摩狂

記得那時相見膽戰鬢亂四肢柔泥人無語不擡頭羞
摩羞羞摩羞

夜久歌聲怨咽殘月菊冷露微微看看濕透縷金衣歸
摩歸歸摩歸

我憶君詩最苦知否字字盡關心紅牋寫寄表情深吟
摩吟吟摩吟

金鴨香濃鴛被枕
膩小髻簇花鈿
腰如細柳臉如蓮
憐憐憐憐憐憐

曲砌蝶飛煙暖春半花發
柳垂條花如雙臉
柳如腰嬌嬌嬌嬌嬌嬌嬌

一去又乖期信春盡滿院
長莓苔手按裙帶獨裴回來
摩來來來摩來

甘州子

一爐龍麝錦帷傍
屏掩映燭熒煌
禁樓刁斗喜初長
羅

薦繡鴛鴦山枕上私語口脂香

每逢清夜與良晨多悵望足傷神
雲迷水隔意中人寂寞繡羅茵
山枕上幾點淚痕新

曾如劉阮訪仙蹤深洞客此時逢
綺筵散後繡衾同欸曲見韶容
山枕上長是怯晨鐘

露桃花裏小樓深持玉盞聽瑤琴
醉歸青瑣入鴛衾月色照衣襟
山枕上翠鈿鎮眉心

紅爐深夜醉調笙敲拍處玉纖輕
小屏古畫岼低平煙

月滿閑庭山枕上燈背臉波橫

遐方怨

簾影細簾文平象紗籠玉指縷金羅扇輕嫩紅雙臉似
花明兩條眉黛遠山橫鳳簫歇鏡塵生遼塞音書絕
夢魂長暗驚玉郎經歲負娉婷教人爭不恨無情

訴衷情

香滅簾垂春漏永整鴛衾羅帶重雙鳳縷黃金窗外月
光臨沈沈斷腸無處尋負春心

永夜拋人何處去，絕來音，香閣掩，眉歛月將沈，爭忍不相尋？怨孤衾，換我心，為你心，始知相憶深。

楊柳枝

即柳枝

秋夜香閨思寂寥，漏迢迢，鴛幃羅幌麝煙銷，燭光搖。
正憶玉郎遊蕩去，無尋處，更聞簾外雨瀟瀟，滴芭蕉。

醉公子

二首

漠漠秋雲澹，紅藕香侵檻，枕倚小山屏，金鋪向晚扃。
睡起橫波慢，獨望情何限，衰柳數聲蟬，魂銷似去年。

岼柳垂金線雨晴鶯百轉家住綠楊邊往來多少年
馬嘶芳草遠高樓簾半卷歛袖翠蛾攢相逢爾許難

酒泉子

楊柳舞風輕惹春煙殘雨杏花愁鶯正語畫樓東錦
屏寂寞思無窮還是不知消息鏡塵生珠淚滴損儀容
羅帶縷金蘭麝煙凝魂斷畫屏欹雲鬢亂恨難任幾
回垂淚滴鴛衾薄情何處去月臨窗花滿樹信沈沈
小檻日斜風度綠窗人悄悄翠幃閑掩舞雙鸞舊香寒

別來情緒轉難判
韶顏看却老依稀
粉上有唬痕暗
銷魂

黛薄紅深約掠綠
鬟雲膩小鴛鴦金
翡翠稱人心錦
鱗無處傳幽意
海燕蘭堂春又去
隔年書千點淚恨
難任

掩却菱花收拾翠
鈿休上面金蟲玉
燕鎖香奩恨厭厭
雲鬟半墜嬾重簪
淚侵山枕濕銀燈
背帳夢方酣鴈
飛南

水碧風清入檻細香紅藕膩謝娘歛翠恨無涯小屏斜
堪憎蕩子不還家謾留羅帶結帳深枕膩炷沈煙負
當年

黛怨紅羞掩映畫堂春欲暮殘花微雨隔青樓思悠悠
芳菲時節看將度寂寞無人還獨語畫羅襦香粉汗
不勝愁

浣溪沙

春色迷人恨正賒可堪蕩子不還家細風輕露著梨花

簾外有情雙燕颺檻前無力綠楊斜小屏狂夢極天
涯

紅藕香寒翠渚平月籠虛閣夜蛩清塞鴻驚夢兩牽情
寶帳玉爐殘麝冷羅衣金縷暗塵生小窗孤燭淚縱
橫

荷芰風輕簾幕香繡衣鷗鷺泳回塘小屏閑掩舊瀟湘
恨入空幃鸞影獨淚凝雙臉渚蓮光薄情年少悔思
量

惆悵經年別謝娘
月窗花院好風光
此時相望最情傷
青鳥不來傳錦字
瑤姬何處鎖蘭房
忍教魂夢兩茫茫

庭菊飄黃玉露濃
冷莎偎砌隱鳴蛩
何期良夜得相逢
背悵風搖紅蠟滴
惹香煖夢繡衾重
覺來枕上怯晨鐘

雲澹風高葉亂飛
小庭寒雨綠苔微
深閨人靜掩屏帷
粉黛暗愁金帶枕
鴛鴦空繞畫羅衣
那堪孤負不思思

歸

鴈響遙天玉漏清
小紗窗外月朧明
翠幃金鴨炷香平
何處不歸音信斷
良宵空使夢魂驚
簾涼枕冷不勝情

露白蟾明又到秋
佳期幽會兩悠悠
夢牽情役幾時休
記得泥人微歛黛
無言斜倚小書樓
暗思前事不勝愁

更漏子

舊歡娛新悵望擁鼻含嚔樓上濃柳翠晚霞微江鷗接
翼飛簾半卷屏斜掩遠岫參差迷眼歌滿耳酒盈尊
前非不要論

應天長

瑟瑟羅裙金線縷輕透鵝黃香畫袴垂交帶盤鸚鵡嫋
嫋翠翹移玉步背人勾檀注慢轉嬌波偷覷飲黛春
情暗許倚屏慵不語

漁歌子

曉風清幽沼綠倚闌凝望珍禽浴畫簾垂翠屏曲滿袖
荷香馥郁好攄懷堪寓目身閑心靜平生足酒杯深
光影促名利無心較逐

河傳

燕颺晴景小窗屏暖鴛鴦交頸菱花掩却翠鬟欹慵整
海棠簾外影繡幃香斷金鷄驚無消息心事空相憶
倚東風春正濃愁紅淚痕衣上重

曲檻春晚碧流紋細綠楊絲軟露華鮮杏枝鰓鴛轉野

蕪平似翦 直是人間到天上堪遊賞醉眼疑屏障對
池塘惜韶光斷腸為花須盡狂

櫂舉舟去波光渺渺不知何處岼花汀草共依依雨微
鷓鴣相逐飛 天涯離恨江聲咽曉猿切此意向誰說
倚蘭橈獨無慘魂銷小爐香欲焦

木蘭花

即玉樓春

月照玉樓春漏促颯颯風搖庭砌竹夢驚鴛被覺來時
何處管弦聲斷續惆悵少年遊冶去枕上兩蛾攢細

綠曉鶯簾外語花枝背帳猶殘紅蠟燭

柳映玉樓春日晚雨細風輕烟草軟畫堂鸚鵡語雕籠
金粉小屏猶半掩香滅繡幃人寂寂倚檻無言愁思
遠恨郎何處縱疎狂長使含顰眉不展

月皎露華窗影細風送菊香黏繡袂博山爐冷水沈微
惆悵金閨終日閉嬾展羅衾垂玉筋羞對菱花簪寶
髻良宵好事枉教休無計那他狂耍堦

拂水雙飛來去燕曲檻小屏山六扇春愁凝思結眉心

綠綺嬾調紅錦薦
話別情多聲欲戰
玉筋痕留紅粉
面鎖長獨立到黃昏
却怕良宵頻夢見

虞美人

曉鶯啼破相思夢
簾卷金泥鳳
宿妝猶在酒初醒
翠翹慵整倚雲屏
轉娉婷
香檀細畫侵桃臉
羅袂輕輕歛
佳期堪恨再難尋
綠蕪滿院柳成陰
負春心

觸簾風送景陽鐘
鴛被繡花重
曉幃初卷冷煙濃
翠勻粉黛好儀容
思嬌慵
起來無語理朝妝
寶匣鏡凝光

綠荷相倚滿池塘露清枕簟藕花香恨悠揚

翠屏閑掩垂珠箔絲雨籠池閣露黏紅藕咽清香謝娘
嬌極不成狂罷朝妝 小金鷗鷺沈煙細膩枕堆雲髻
淺眉微斂注檀輕舊歡時有夢魂驚悔多情

碧梧桐映紗窗晚花謝鶯聲嬾小屏屈曲掩青山翠幃
香粉玉爐寒兩蛾攢 顛狂年少輕離別孤負春時節
畫羅紅袂有啼痕魂銷無語倚閨門欲黃昏

深閨春色勞思想恨共春蕪長黃鸝嬌轉泥芳妍杏枝

如畫倚輕煙
瑣窗前
凭闌愁立
雙蛾細柳影斜搖
砌
玉郎還是不還家
教人魂夢逐楊花
繞天涯

少年豔質勝瓊英
早晚別三清
蓮冠穩簪
鈿篋橫
飄飄羅袖碧雲輕
畫難成
遲遲少轉腰身
媚翠靨
眉心小
醺壇風急
杏枝香
此時恨不駕鸞皇
訪劉郎

臨江仙

碧染長空池似鏡
倚樓閑望
凝情滿衣紅藕
細香清象
牀珍簟
山障掩玉琴橫
暗想昔時歡笑事
如今贏得

愁生博山爐煖澹煙輕蟬吟人靜殘日傍小窗明

幽閨小檻春光晚柳濃花澹鶯稀舊歡思想尚依依翠
頰紅歛終日損芳菲何事狂夫音信斷不如梁燕猶
歸畫堂深處麝煙微屏虛枕冷風細雨霏霏

月色穿簾風入竹倚屏雙黛愁時砌花含露兩三枝如
嗁恨臉魂斷損容儀香燼暗銷金鴨冷可堪孤負前
期繡襦不整鬢鬟敲幾多惆悵情緒在天涯

獻衷心

繡鴛鴦帳暖畫孔雀屏
故人悄悄月明時
想昔年歡笑
恨今日分離
銀缸背銅漏永阻佳期
小爐煙細虛閣
簾垂幾多心事
暗地思惟
被嬌娥牽役
魂夢如癡
金閨裏
山枕上始應知

鹿虔扈

蜀永泰軍節度使
加太保詞六首

女冠子

鳳樓琪樹惆悵劉郎一去正春深
洞裏愁空結
人間信
莫尋
竹疎齋殿迴
松密醮壇陰
倚雲低首望
可知心

步虛壇上絳節霓旌相向引真仙玉佩搖蟾影金爐嫋
麝煙露濃霜簡濕風緊羽衣偏欲留難得住却歸天

思越人

翠屏欹銀燭背漏殘清夜迢迢雙帶繡窠盤錦薦淚侵
花暗香銷珊瑚枕膩鴉鬟亂玉纖慵整雲散苦是適
來新夢見離腸爭不千斷

虞美人

卷荷香澹浮煙渚綠嫩擎新雨瑣窗疎透曉風清象牀


珍簟冷光輕水文
九疑黛色屏斜掩
枕上眉心歛
不堪相望病將成
鈿昏檀粉淚縱橫
不勝情

臨江仙

金鎖重門荒苑靜
綺窗愁對秋空翠
華一去寂無蹤
玉樓歌吹聲斷已隨風
煙月不知人事改
夜闌還照深宮
藕花相向野塘中
暗傷亡國清露泣香紅

無賴曉鶯驚夢斷
起來殘酒初醒
映窗絲柳媚煙青
翠簾慵卷約砌杏花零
一自玉郎遊冶去
蓮凋月慘儀

形暮天微雨灑閑庭
手按裙帶無語倚雲屏



御定全唐詩卷八百九十四

欽定四庫全書

集部

御定全唐詩卷

八百九十五至
九百

詳校官庶吉士臣何道沖

主事銜臣徐以坤覆勘

總校官知縣臣繆琪

校對官中書臣陳墉

謄錄監生臣汪存墉

欽定四庫全書

御定全唐詩卷八百九十五

魏承班

蜀太尉詞
二十首

訴衷情

五首

高歌宴罷月初盈
詩情引恨情煙露冷水流輕
思想夢難成
羅帳娟香平恨頻生
思君無計睡還醒
隔層城
春深花簇小樓臺
風飄錦繡開
新睡覺步香堦
山枕印紅顚
鬢亂墜金釵
語檀偎臨行執手
重重屬幾千回

銀漢雲情玉漏長
蛩聲悄畫堂筠簟冷
碧窗涼紅蠟淚
飄香皓月瀉寒光
割人腸那堪獨自步池塘
對鴛鴦
金風輕透碧窗紗
銀釭燄影斜
欹枕臥恨何賒
山掩小屏霞
雲雨別吳娃
想容華夢成幾度
遶天涯到君家
春情滿眼臉紅消
嬌妒索人饒
星靨小玉璫
搖幾共醉春朝
別後憶纖腰
夢魂勞如今風葉又蕭蕭
恨迢迢
煙雨晚晴天
零落花無語
難話此時心
梁燕雙來去

生查子

三首

琴韻對薰風有恨和情撫腸斷斷絃頻淚滴黃金縷
寂寞畫堂空深夜垂羅幕燈暗錦屏歌月冷珠簾薄
愁恨夢難成何處貪歡樂看看又春來還是長蕭索
離別又經年獨對芳菲景嫁得薄情夫長抱相思病
花紅柳綠間晴空蝶舞雙雙影羞看繡羅衣為有金鸞
並

菩薩蠻

羅裾薄薄秋波染眉間畫得山兩點相見綺筵時深情

暗共知 翠翹雲鬢動 歛態彈金鳳 宴罷入蘭房 邀人
解佩璫

羅衣隱約 金泥畫璫 筵一曲 當秋夜聲顫 覩人嬌雪鬢
媚翠翹 酒醺紅玉 軟睂翠秋山 遠繡幌 麝煙沈 誰人
知兩心

玉容光照菱花影 沈沈臉上秋波冷 白雪一聲新 雕梁
起暗塵 寶釵搖翡翠 香惹芙蓉醉 攜手入鴛衾 誰人
知此心

漁歌子

柳如眉雲似髮
鮫綃霧縠籠香雪
夢魂驚鐘漏歇
窗外曉鶯殘月
幾多情無處說
落花飛絮清明節
少年郎容易別
一去音書斷絕

滿宮花

雪霏霏風凜凜
玉郎何處狂飲醉
時想得縱風流羅帳
香幃鴛鴦寢
春朝秋夜思君甚
愁見繡屏孤枕
少年何事負初心
淚滴縷金雙袵

寒夜長更漏永愁見透簾月影王孫何處不歸來應在
倡樓酩酊金鴨無香羅帳冷羞更雙鸞交頸夢中幾
度見兒夫不忍罵伊薄倖

謁金門

煙水闊人值清明時節雨細花零鶯語切愁腸千萬結
鴈去音徽斷絕有恨欲憑誰說無事傷心猶不徹春
時容易別

春欲半堆砌落花千片早是潘郎長不見忍聽雙語燕

飛絮晴空颺遠風
送誰家弦管愁倚畫屏
凡事嬾淚
霑金縷線

長思憶思憶佳辰
輕擲霜月透簾澄
夜色小屏山凝碧
恨恨君何太極
記得嬌嬈無力
獨坐思量愁似織
斷腸煙水隔

木蘭花

小芙蓉香旖旎
碧玉堂深清似水
閉寶匣掩金鋪
倚屏拖袖愁如醉
遲遲好景煙花媚
曲渚鴛鴦眠錦翅
凝

然愁望靜相思一雙笑靨嚙香藥

玉樓春

寂寂畫堂梁上燕高捲翠簾橫數扇一庭春色惱人來
滿地落花紅幾片愁倚錦屏低雪面淚滴繡羅金縷
線好天涼月盡傷心為是玉郎長不見

輕歛翠蛾呈皓齒鶯轉一枝花影裏聲聲清迥過行雲
寂寂畫梁塵暗起玉笋滿斟情未已促坐王孫公子
醉春風筵上貫珠勻豔色韶顏嬌旖旎

黃鍾樂

池塘煙暝草萋萋惆悵閑宵含恨愁坐思堪迷遙想玉
人情事遠音容渾似隔桃溪偏記同歡秋月低簾外
論心花畔和醉暗相攜何事春來君不見夢魂長在錦
江西

尹鶚

蜀參卿詞
十六首

江城子

裙拖碧步飄香纖腰束素長鬢雲光拂面瓏璁膩玉碎

凝妝寶柱秦箏彈向晚弦促鴈更思量

何滿子

雲雨常陪勝會笙歌慣逐閑遊錦里風光應占玉鞭金
勒驂驕戴月潛穿深曲和香醉脫輕裘方喜正同駕
帳又言將往皇州每憶良宵公子伴夢魂長挂紅樓欲
表傷離情味丁香結在心頭

醉公子

暮煙籠蘚砌戟門猶未閉盡日醉尋春歸來月滿身

離鞍偎繡袂墜巾花亂綴何處惱佳人檀痕衣上新

女冠子

雙成伴侶去去不知何處有佳期霞帔金絲薄花冠玉
葉危嬾乘丹鳳子學跨小龍兒叵耐天風緊挫腰肢

菩薩蠻

隴雲暗合秋天白俯窗獨坐窺煙陌樓際角重吹黃昏
方醉歸荒唐難共語明日還應去上馬出門時金鞭
莫與伊

嗚嗚曉角調如語畫樓三會喧雷鼓枕上夢方殘月光
鋪水寒蛾眉應斂翠只尺同千里宿酒未全消滿懷
離恨饒

錦茵閑襯丁香枕銀缸燼落猶慵寢顚坐遍紅爐誰知
情緒孤少年狂蕩慣花曲長牽絆去便不歸來空教
駿馬回

杏園芳

嚴妝嫩臉花明教人見了關情含羞舉步越羅輕稱娉

婷 終朝咫尺窺香閣迢遙似隔層城何時休遣夢相
縈入雲屏

清平樂

偎紅歛翠盡日思閒事髻滑鳳皇釵欲墜雨打梨花滿
地 繡衣獨倚闌干玉容似怯春寒應待少年公子鴛
幃深處同歡

芳年妙妓淡拂鉛華翠輕笑自然生百媚爭那尊前人
意 酒傾琥珀杯時更堪能唱新詞賺得王孫狂處斷

腸一搦腰肢

滿宮花

月沈沈人悄悄一炷後庭香
媚風流帝子不歸來滿地
禁花慵掃離恨多相見少
何處醉迷三島漏清宮樹
子規啼愁鎖碧窗春曉

臨江仙

一番荷葉生池沼
檻前風送馨香
昔年於此伴蕭娘
相偎佇立牽惹
叙衷腸
時逞笑容無限態
還如菡萏爭

芳別來虛遣思悠颺
窺往事金鎖小蘭房

深秋寒夜銀河靜
月明深院中庭西窗幽夢等閑成
逡巡覺後特地恨難平
紅燭半條殘焰短
衣稀暗背銀屏
枕前何事最傷情
梧桐葉上點點露珠零

撥櫂子

風切切深秋月十朵芙蓉繁豔歇
小檻細腰無力空羸得
目斷魂飛何處說
寸心恰似丁香結
看省瘦盡胸
前雪偏挂恨少年拋擲
羞覩見繡被堆紅閑不徹

丹臉膩雙靨媚冠子縷金裝翡翠將一朵瓊花堪比窠
窠繡鸞鳳衣裳香窄地銀臺蠟燭滴紅淚醪酒勸人
教半醉簾幙外月華如水特地向寶帳顛狂不肯睡

秋夜月

三秋佳節胃晴空凝碎露茱萸千結菊蕊和煙輕撚酒
浮金屑微雲雨調絲竹此時難輟歡極一片豔歌聲揭
黃昏慵別炷沈煙熏繡被翠帷同歇醉並鴛鴦雙枕
煖偎春雪語丁寧情委曲論心正切夜深窗透數條斜

月

金浮圖

繁華地王孫富貴瑤瑁筵開下朝無事壓紅茵鳳舞黃
金翅玉立纖腰一片揭天歌吹滿目綺羅珠翠和風淡
蕩偷散沈檀氣 堪判醉韶光正媚折盡牡丹豔迷人
意金張許史應難比貪戀歡娛不覺金烏墜還惜會難
別易金船更勸勒住花驄轡

毛熙震

蜀秘書監詞
二十九首

定西番

蒼翠濃陰滿院鶯對語蝶交飛戲薔薇
斜日倚闌風
好餘香出繡衣未得玉郎消息幾時歸

何滿子

寂寞芳菲暗度歲華如箭堪驚緬想舊歡多少事轉添
春思難平曲檻絲垂金柳小窗弦斷銀箏深院空聞
燕語滿園閑落花輕一片相思休不得忍教長日愁生
誰見夕陽孤夢覺來無限傷情

無語殘妝淡薄含羞鞞袂輕盈幾度香閨眠過曉綺窗
踈日微明雲母帳中偷惜水精枕上初驚笑靨嫩疑
花拆愁眉翠斂山橫相望只教添悵恨整鬟時見纖瓊
獨倚朱扉閒立誰知別有深情

女冠子 二首

碧桃紅杏遲日媚籠光影綵霞深香煖熏鶯語風清引
鶴音翠鬟冠玉葉霓袖捧瑤琴應共吹簫侶暗相尋
修蛾慢臉不語檀心一點小山妝蟬鬢低含綠羅衣澹

拂黃閒來深院裏閒步落花傍纖手輕輕整玉爐香
酒泉子

閑臥繡幃慵想萬般情寵錦檀偏翹股重翠雲歌暮
天屏上春山碧映香煙霧隔蕙蘭心魂夢後歛蛾眉
鈿匣舞鸞隱映豔紅修碧月梳斜雲鬢膩粉香寒曉
花微歛輕呵展娟釵金燕輦日初升簾半卷對妝殘

浣溪沙

春暮黃鶯下砌前水精簾影露珠懸綺霞低映晚晴天

弱柳萬條垂翠帶殘紅滿地碎香鈿蕙風飄蕩散輕煙

花榭香紅煙景迷滿庭芳草綠萋萋金鋪閒掩繡簾低
紫燕一雙嬌語碎翠屏十二晚峰齊夢魂銷散醉空
閨

晚起紅房醉欲消綠鬟雲散娟金顰雪香花語不勝嬌
好是向人柔弱處玉纖時急繡裙腰春心牽惹轉無
慘

一隻橫釵墜髻叢靜眠珍簟起來慵繡羅紅嫩抹蘓胸
羞歛細蛾魂暗斷困迷無語思猶濃小屏香靄碧山
重

雲薄羅裙綬帶長滿身新裛瑞龍香翠鈿斜映豔梅妝
佯不覷人空婉約笑和嬌語太猖狂忍教牽恨暗形
相

碧玉冠輕媚燕釵捧心無語步香堦緩移弓底繡羅鞋
暗想歡娛何計好豈堪期約有時乖日高深院正忘

懷

半醉凝情臥繡茵，睡容無力卸羅裙。
玉籠鸚鵡厭聽聞，慵整落釵金。
翡翠象梳歌鬢月，生雲錦屏綃幌麝煙薰。

後庭花

或加玉樹二字

鶯啼燕語芳菲節，瑞庭花發昔時歡。
宴歌聲揭管絃清，越自從陵谷追遊歇。
畫梁塵黥傷心一片如珪月，閒鎖宮闕。

輕盈舞伎含芳豔競妝新
臉步搖珠翠修蛾斂膩髮雲
染歌聲慢發開檀點繡衫斜掩時將纖手勻紅臉笑
拈金靨

越羅小袖新香積薄籠金釧倚闌無語搖輕扇半遮勻
面春殘日晚鶯嬌嬾滿庭花片爭不教人長相見畫
堂深院

菩薩蠻

梨花滿院飄香雪
高樓夜靜風箏咽
斜月照簾帷
憶君

和夢稀 小窗燈影背燕語驚愁態屏掩斷香飛行雲
山外歸

繡簾高軸臨塘看雨翻荷芰真珠散殘暑晚初涼輕風
渡水香 無悵悲往事爭那牽情思光影暗相催等閒
秋又來

天含殘碧融春色五陵薄倖無消息盡日掩朱門離愁
暗斷魂 鶯啼芳樹暝燕拂回塘滿寂寞對屏山相思
醉夢間

清平樂

春光欲暮，寂寞閑庭戶。
粉蝶雙雙穿檻舞。
簾卷晚天疎。
雨含愁獨倚閨幃。
玉爐烟斷香微。
正是銷魂時節。
東風滿院花飛。

更漏子

秋色清，河影淡。
深戶燭寒光暗。
綃幌碧，錦衾紅。
博山香炷融。
更漏咽，蛩鳴切。
滿院霜華如雪。
新月上，薄雲收。
映簾懸玉鉤。

煙月寒秋夜靜漏轉金壺初永羅幕下繡屏空燈花結
碎紅 人悄悄愁無了思夢不成難曉長憶得與郎期
竊香私語時

南歌子

一名望秦川
一名風蝶令

遠山愁黛碧橫波慢臉明膩香紅玉茜羅輕深院晚堂
人靜理銀箏 鬢動行雲影裙遮點屐聲嬌羞愛問曲
中名楊柳杏花時節幾多情

惹恨還添恨牽腸即斷腸凝情不語一枝芳獨映畫簾

閑立繡衣香 暗想為雲女應憐傳粉郎晚來輕步出
閨房髻慢釵橫無力縱猖狂

木蘭花

掩朱扉鉤翠箔滿院鶯聲春寂寞勻粉淚恨檀郎一去
不歸花又落 對斜暉臨小閣前事豈堪重想着金帶
冷畫屏幽寶帳慵重薰麝薄

小重山

梁燕雙飛畫閣前寂寥多少恨嬾孤眠曉來閑處想君

憐紅羅帳金鴨冷沈煙 誰信損嬋娟倚屏啼玉筋溼
香鈿四支無力上鞦韆羣花謝愁對豔陽天

臨江仙

南齊天子寵嬋娟六宮羅綺三千潘妃嬌豔獨芳妍椒
房蘭洞雲雨降神仙 縱態迷歡心不足風流可惜當
年纖腰婉約步金蓮妖君傾國猶自至今傳

幽閨欲曙聞鶯囀紅窗月影微明好風頻謝落花聲隔
幃殘燭猶照綺屏筵 繡被錦茵眠玉煥炷香斜嬾煙

輕淡蛾羞斂不勝情暗思閑夢何處逐雲行

御定全唐詩卷八百九十五

欽定四庫全書

御定全唐詩卷八百九十六

李珣

五十
四首

漁父

水接衡門十里餘
信船歸去臥看書
輕爵祿慕玄虛
莫道漁人只為魚

避世垂綸不計年
官高爭得似君閑
傾白酒對青山笑
指柴門待月還

擢警鷗飛水濺袍影隨潭面柳垂緇終日醉絕塵勞曾
見錢塘八月濤

南鄉子

煙漠漠雨淒淒岸花零落鷓鴣啼遠客扁舟臨野渡思
鄉處潮退水平春色暮

蘭橈舉水文開競攜藤籠采蓮來回塘深處遙相見邀
同宴淥酒一卮紅上面

歸路近扣舷歌采真珠處水風多曲岸小橋山月過煙

深鎖豆蔻花垂千萬朵

乘綵舫過蓮塘
擢歌驚起睡鴛鴦
遊女帶香偎伴笑
爭窈窕競折團荷遮晚照

傾綠蟻泛紅羶
閒遊女伴簇笙歌
避暑信船輕浪裏
閒游戲夾岸荔枝紅蘸水

雲帶雨浪迎風
釣翁回櫂碧灣中
春酒香熟鱸魚美
誰同醉纜却扁舟篷底睡

沙月靜水煙輕
菱荷香裡夜船行
綠鬟紅臉誰家女
遙

相顧緩唱擢歌極浦去

漁市散渡船稀越南雲樹望中微
行客待潮天欲暮送春浦愁聽猩猩啼瘴雨

攏雲髻背犀梳焦紅衫映綠羅裾
越王臺下春風暖花盈岸遊賞每邀鄰女伴

相見處晚晴天刺桐花下越臺前
暗裡迴眸深屬意遺雙翠騎象背人先過水

攜籠去采菱歸碧波風起雨霏霏
趁岸小船齊擢急羅

衣溼出向枕根樹下立

雲髻重葛衣輕見人微笑亦多情拾翠采珠能幾許來
還去爭及村居織機女

登畫舸泛清波采蓮時唱采蓮歌攔櫂聲齊羅袖斂池
光颭驚起沙鷗八九點

雙鬟墜小眉彎笑隨女伴下春山玉纖遙指花深處爭
迴顧孔雀雙雙迎日舞

紅豆蔻紫玫瑰謝娘家接越王臺一曲鄉歌齊撫掌堪

遊賞酒酌羸杯流水上

山果款水花香家家風景有池塘木蘭舟上珠簾捲歌聲遠椰子酒傾鸚鵡醺

新月上遠煙開慣隨潮水采珠來棹穿花過歸溪口酤春酒小艇纜牽垂岸柳

西溪子

金縷翠鈿浮動妝罷小窗圓夢日高時春已老人來到滿地落花慵掃無語倚屏風泣殘紅

一作離思正
難緘燕喃喃

馬上見時如夢認得臉波相送柳堤長無限意夕陽裏
醉把金鞭欲墜歸去想嬌嬈暗魂銷

女冠子

二首

星高月午丹桂青松深處醺壇開金磬敲清露珠幢立
翠苔步虛聲縹緲想像思徘徊曉天歸去路指蓬萊
春山夜靜愁聞洞天疎磬玉堂虛細霧垂珠佩輕煙曳
翠裾對花情脉脉望月步徐徐劉阮今何處絕來書

中興樂

後庭寂寞日初長
翩翩蜨舞紅芳繡
簾垂地金鴨無香
誰知春思如狂憶
蕭郎等閒一去程
遙信斷五嶺三湘
休開鸞鏡學宮妝
可能更理笙簧倚
屏凝睇淚落成
行手尋裙帶鴛鴦
暗思量恐孤前約
教人花貌虛老風
光

酒泉子

寂寞青樓風觸繡
簾珠碎撼月朦朧
花暗淡鎖春愁
尋思往事依稀夢
淚臉露桃紅色重
鬢歆蟬釵墜鳳思

悠悠

雨漬花零紅散香凋池兩岸別情遙春歌斷掩銀屏
孤帆早晚離三楚閒理鈿箏愁幾許曲中情絃上語不
堪聽

秋雨連綿聲散敗荷叢裏那堪深夜枕前聽酒初醒
牽愁惹思更無停燭暗香凝天欲曙細和煙冷和雨透
簾旌

秋月嬋娟皎潔碧紗窗外照花穿竹冷沈沈印池心

凝露滴砌蛩吟驚覺謝娘殘夢夜深斜傍枕前來影徘徊

浣溪沙

入夏偏宜淡薄妝越羅衣褪鬱金黃翠鈿檀注助容光
相見無言還有恨幾回判却又思量月窗香徑夢悠
颺

晚出閑庭看海棠風流學得內家妝小釵橫戴一枝芳
鏤玉梳斜雲鬢膩鏤金衣透雪肌香暗思何事立殘

陽

訪舊傷離欲斷魂，無因重見玉樓人。
六街微雨鏤香塵，早為不逢巫峽夢。
那堪虛度錦江春，遇花傾酒莫辭頻。

紅藕花香到檻頻，可堪閑憶似花人。
舊歡如夢絕音塵，翠疊畫屏山隱隱。
冷鋪文簟水潸潸，斷魂何處一蟬新。

巫山一段雲

有客經巫峽停橈向水湄
楚王曾此夢瑤姬一夢杳無期
塵暗珠簾卷香銷翠幄垂
西風回首不勝悲暮雨灑空祠

古廟依青嶂行宮枕碧流水聲山色鎖妝樓往事思悠悠
雲雨朝還暮煙花春復秋啼猿何必近孤舟
行客自多愁

菩薩蠻

回塘風起波文細刺桐花裏門斜閉
殘日照平蕪雙雙

飛鷓鴣

征帆何處客相見還相隔不語欲魂銷望中

煙水遙

等閒將度三春景簾垂碧砌參差影曲檻日初斜杜鵑
啼落花恨君容易處又話瀟湘去凝思倚屏山淚流
紅臉斑

隔簾微雨雙飛燕砌花零落紅深淺捻得寶箏調心隨
征櫂遙楚天雲外路動便經年去香斷畫屏深舊歡
何處尋

漁歌子

楚山青湘水淥春風澹蕩看不足草芊芊花簇簇漁艇
櫂歌相續信浮沈無管束釣回乘月歸灣曲酒盈尊
雲滿屋不見人間榮辱

荻花秋滿湘夜橘洲佳景如屏畫碧煙中明月下小艇
垂綸初罷水為鄉蓬作舍魚羹稻飯常飡也酒盈杯
書滿架名利不將心挂

柳垂絲花滿樹鶯啼楚岸春天暮櫂輕舟出深浦緩唱

漁郎歸去 罷垂綸還酌醕孤村遙指雲遮處下長汀
臨深渡驚起一行沙鷺

九疑山三湘水蘆花時節秋風起水雲間山月裏擢月
穿雲遊戲 鼓清琴傾淥蟻扁舟自得逍遙志任東西
無定止不議人間醒醉

望遠行

春日遲遲思寂寥行客關山路遙瓊窗時聽語鶯嬌柳
絲牽恨一條條 休暈繡罷吹簫貌逐殘花暗凋同心

猶結舊裙腰。忍孤風、月度良宵。

露滴幽庭落葉時。愁聚蕭娘柳。看玉郎一去，負佳期。水雲迢遞，鴈書遲。屏半掩，枕斜欹。蠟淚無言對。垂吟蛩，斷續漏頻移。入窗明月鑒空幃。

河傳

去去何處迢迢。巴楚山水相連。朝雲暮雨依舊十二峰。前後聲到客船。愁腸豈異丁香。結因離別。故國音書絕。想佳人花下對明月。春風恨應同。

春暮微雨送君南浦愁斂雙蛾落花深處啼鳥似逐離
歌粉檀珠淚和臨流更把同心結情哽咽後會何時
節不堪回首相望已隔汀洲櫓聲幽

虞美人

金籠鶯報天將曙驚起分飛處夜來潛與玉郎期多情
不覺酒醒遲失歸期映花避月遙相送膩髻偏垂鳳
却回嬌步入香閨倚屏無語撚雲篴翠眉低

臨江仙

簾卷池心小閣虛暫涼閒步徐徐芰荷經雨半凋疎拂
堤垂柳蟬噪夕陽餘不語低鬟幽思遠玉釵斜墜雙
魚幾回偷看寄來書離情別恨相隔欲何如

鶯報簾前暖日紅玉爐殘麝猶濃起來閨思尚疎慵引
愁春夢誰解此情悰強整嬌姿臨寶鏡小池一朵芙
蓉舊歡無處再尋蹤更堪回顧屏畫九疑峯

定風波

志在煙霞慕隱淪功成歸看五湖春一葉舟中吟復醉

雲水此時方認自由身
花鳥為鄰鷗作侶
深處經年
不見市朝人已得希夷微妙旨
潛喜荷衣蕙帶絕纖塵
十載逍遙物外居
白雲流水似相於
乘興有時攜短櫂
江島誰知求道不求魚
到處等閒邀鶴伴
春岸野花
香氣撲琴書
更飲一杯紅霞酒
回首半鉤新月貼清虛
又見辭巢燕子歸
阮郎何事絕音徽
簾外西風黃葉落
池閣隱莎蛩叫雨
霏霏
愁坐算程千萬里
頻跂等閒
經歲兩相違
聽鵲憑龜無定處
不知淚痕流在畫羅衣

鴈過秋空夜未央
隔窗煙月鎖蓮塘
往事豈堪容易想
惆悵故人迢遞在瀟湘
縱有回文重疊意
誰寄解鬟

臨鏡泣殘妝
沈水香消金鴨冷
愁永候蟲聲接杵聲長
簾外煙和月滿庭
此時閒坐若為情
小閣擁爐殘酒醒
愁聽寒風葉落一聲聲
惟恨玉人芳信阻
雲雨屏帷
寂莫夢難成
斗轉更闌心杳杳
將曉銀釭斜照綺琴橫

歐陽炯

南歌子

錦帳銀燈影紗窗玉漏聲迢迢永夜夢難成愁對小庭
秋色月空明

漁父

擺脫塵機上釣船免教榮辱有流年無繫絆沒愁煎須
信船中有散仙

風浩寒溪照膽明小君山上玉蟾生荷露墜翠煙輕撥
刺游魚幾箇驚

巫山一段雲

絳闕登真子飄飄御綵鸞
碧虛風雨佩光寒斂袂下雲
端月帳朝霞薄星冠玉藥攢
遠遊蓬島降人間特地拜龍顏

春去秋來也愁心似醉醺
去時邀約早回輪及去又何
魯歌扇花光點衣珠滴淚新
恨身翻不作車塵萬里得隨君

春光好

天初暖日初長好春光萬彙此時皆得意競芬芳
筍

迸苔錢嫩綠花偎雪塢濃香誰把金絲裁翦却挂斜陽
花滴露柳搖煙豔陽天雨霽山櫻紅欲爛谷鶯遷飲
處交飛玉笋遊時倒把金鞭風颭九衢榆葉動簇青錢
冑鋪雪臉分蓮理繁弦纖指飛翻金鳳語轉嬋娟嘈
噴如鼓玉佩清冷似滴香泉曲罷問郎名箇甚想夫憐
磧香散渚冰融暖空濛飛絮悠揚徧虛空惹輕風柳
眼煙來點綠花心日與妝紅黃雀錦鸞相對舞近簾櫳
雞樹綠鳳池清滿神京玉兔宮前金榜出列仙名疊

雪羅袍接武團花駿馬嬌行開宴錦江遊爛漫柳煙輕
芳叢繡綠筵張兩心狂空遣橫波傳意緒對笙簧雖
似安仁擲果未聞韓壽分香流水桃花情不已待劉郎
垂繡幔掩雲屏思盈盈雙枕珊瑚無限情翠釵橫幾
見纖纖動處時聞款款嬌聲却出錦屏妝面了理秦箏
金轡響玉鞭長映垂楊堤上采花筵上醉滿衣香無
處不攜弦管直應占斷春光年少王孫何處好競尋芳
蘋葉嫩杏花明畫船輕雙文浴鴛鴦出綠汀擢歌聲春

水無風無浪春來半雨半晴紅粉相隨南浦晚莫辭行

西江月

一名白蘋香
一名步虛詞

月映長江秋水分明冷浸星河淺沙汀上白雲多雪散
幾叢蘆葦扁舟倒影寒潭煙光遠罩輕波笛聲何處
響漁歌兩岸蘋香暗起

水上鴛鴦比翼巧將繡作羅衣鏡中重畫遠山眉春睡
起來無力細雀穩簪雲髻含羞時想佳期臉邊紅豔
對花枝猶占鳳樓春色

赤素子

夜悄悄燭熒熒金爐香盡酒初醒春睡起來回雪面含
羞不語倚雲屏

蓮臉薄柳眉長等閑無事莫思量每一見時明月夜損
人情思斷人腸

女冠子

薄妝桃臉滿面縱橫花靨豔情多綬帶盤金縷輕裙透
碧羅含羞看作斂微語笑相和不會頻偷眼意如何

秋宵秋月一朵荷花初發照前池搖曳熏香夜嬋娟對
鏡時藥中千點淚心裏萬條絲恰似輕盈女好風姿

更漏子

玉闌干金甃井月照碧梧桐影獨自箇立多時露華濃
溼衣一向凝情望待得不成模樣雖巨耐又尋思爭
生嗔得伊

三十六宮秋夜永露華點滴高梧丁丁玉漏咽銅壺明
月上金鋪紅線毯博山爐香風暗觸流蘇羊車一去

長青燕鏡塵鸞綵孤

定風波

暖日閑窗映碧紗小池春水浸晴霞數樹海棠紅欲盡
爭忍玉閨深掩過年華獨凭繡牀方寸亂腸斷淚珠

穿破臉邊花鄰舍女郎相借問音信教人羞道未還家

木蘭花

兒家夫壻心容易身又不來書不寄閑庭獨立鳥關關
爭忍拋奴深院裏悶向綠紗窗下睡睡又不成愁已

至今年却憶去年春同在木蘭花下醉

日照玉樓花似錦樓上醉和春色寢綠楊風送小鶯聲
殘夢不成離玉枕堪愛晚來韶景甚寶柱秦箏方再
品青蛾紅臉笑來迎又向海棠花下飲

春早玉樓煙雨夜簾外櫻桃花半謝錦屏香冷繡衾寒
恹恹憶君無計舍侵曉鵲聲來砌下鸞鏡殘妝紅粉
罷黛睂雙點不成描留待玉郎歸日畫

清平樂

春來街砌春雨如絲細
春地滿飄紅杏帶春燕舞隨風
勢春幡細縷春繒春閨一點春燈
自是春心撩亂非
干春夢無憑

菩薩蠻

曉來中酒和春睡
四支無力雲鬟墜
斜臥臉波春玉郎
休惱人
日高猶未起
為戀鴛鴦被
鸚鵡語金籠
道兒
還是慵

紅爐煖閣佳人睡
隔簾飛雪添寒氣
小院奏笙歌
香風

簇綺羅 酒傾金醖滿
蘭燭重開宴公子醉如泥
天街聞馬嘶

翠睂雙臉新妝薄
幽閨斜卷青羅幙
寒食百花時紅繁
香滿枝 雙雙梁燕語
蜨舞相隨去腸斷
正思君閑眠冷繡茵

畫屏繡閣三秋雨
香膏膩臉偎人語
語語罷欲天明嬌多
夢不成 曉街鐘鼓絕
嗔道如今別特地氣
長吁倚屏彈淚珠

浣溪沙

落絮殘鶯半日天，玉柔花醉只思眠。
窗映竹滿爐煙，獨掩畫屏愁不語，
斜欹瑤枕鬢鬟偏。此時心在阿誰邊。

天碧羅衣拂地垂，美人初著更相宜。
宛風如舞透香肌，獨坐含嚔吹鳳竹，
園中緩步折花枝。有情無力泥人時。

相見休言有淚珠，酒闌重得叙歡娛。
鳳屏鴛枕宿金鋪。

蘭麝細香聞喘息綺羅纖縷見肌膚此時還恨薄情
無

三字令

春欲盡日遲遲牡丹時羅幌卷翠簾垂彩牋書紅粉淚
兩心知人不在燕空歸負佳期香燼落枕函歌月分
明花澹薄惹相思

南鄉子

嫩草如煙石榴花發海南天日暮江亭春影淥鴛鴦浴

水遠山長看不足

畫舸停桡槿花籬外竹橫橋水上遊人沙上女回顧笑
指芭蕉林裏住

岸遠沙平日斜歸路晚霞明孔雀自憐金翠尾臨水認
得行人驚不起

洞口誰家木蘭船繫木蘭花紅袖女郎相引去遊南浦
笑倚春風相對語

二八花鈿曾前如雪臉如蓮耳墜金鬟穿瑟瑟霞衣窄

笑倚江頭招遠客

路入南中桄榔葉暗蓼花紅兩岸人家微雨後收紅豆
樹底纖纖擡素手

袖斂鮫綃采香深洞笑相邀藤杖枝頭蘆酒滴鋪葵席
豆蔻花間趁晚日

翡翠鵲鵲白蘋香裡小沙汀島上陰陰秋雨色蘆花撲
數隻漁船何處宿

獻衷心

見好花顏色爭笑東風雙臉上晚妝同閉小樓深閣春
景重重三五夜偏有恨月明中情未已信曾通滿衣
猶自染檀紅恨不如雙燕飛舞簾櫳春欲暮殘絮盡柳
條空

賀聖朝

憶昔花間初識面紅袖半遮妝臉輕轉石榴裙帶故將
纖纖玉指偷撚雙鳳金線碧梧桐鎖深深院誰料得
兩情何日教繾綣羨春來雙燕飛到玉樓朝暮相見

憶昔花間相見後，只憑纖手暗拋紅豆。人前不解巧傳
心事，別來依舊，孤負春晝。碧羅衣上，蹙金繡，覩對對
鴛鴦空裏，淚痕透。想韶顏非久終是為伊，只憑偷瘦。

江城子

晚日金陵岸草平，落霞明水無情。六代繁華暗逐逝波
聲。空有姑蘓臺上月，如西子鏡照江城。

鳳樓春

鳳髻綠雲叢，深掩房櫳。錦書通夢中，相見覺來慵。勻面

淚臉珠融因想玉郎何處去對淑景誰同
小樓中春思無窮倚闌凝望闌牽愁緒柳花飛
趁東風斜日照簾櫳羅幃香冷粉屏空海棠
零落鶯語殘紅

歐陽彬

蜀左丞
詞一首

生查子

竟日畫堂歡入夜重開宴剪燭蠟煙香促
席花光顫待得月華來滿院如鋪練門外
簇驂騑直待更深散

御定全唐詩卷八百九十六